

DODATAK

GRAČANIČKI GLASNIK
časopis za kulturnu historiju

Broj 52
Godina XXVI
Novembar, 2021.
[str. 195-196]

© Monos 2021

DODATAK

Glosar novih autora

Izet Hadžić, doktor političkih nauka, je rođen 1963. godine u Petrovicama, opština Kalesija, gdje je završio osnovnu školu, a potom srednju Saobraćajnu tehničku školu u Tuzli i Saobraćajni fakultet u Sarajevu. Od septembra 1987. do januara 1991. godine radio je kao profesor u Saobraćajno-tehničkoj školi u Tuzli. U politički rad aktivno se uključio od 1990. godine u okviru SDA. Do 1996. obavljao je više odgovornih dužnosti, među kojima i dužnost Predsjednika Skupštine Okruga Tuzla i Predsjednika Tuzlansko-podrinjskog kantona. Od 1995. do 2006. biran je kao poslanik u predstavničke organe Tuzlanskog kantona, Federacije i države BiH u više saziva. Sudjelovao je u organizovanju odbrane BiH i izgradnji i učvršćivanju institucija Okruga i Tuzlansko-podrinjskog kantona (Univerzitet, Kantonalna televizija i dr.), izgradnji i obnovi infrastrukture itd.

U međuvremenu upisao je postdiplomski studij i magistrirao na Fakultetu političkih nauka Univerziteta u Sarajevu 2002. Doktorirao je na Filozofskom fakultetu Sveučilišta u Mostaru, 2015. godine. Tri godine ranije izabran je za višeg asistenta, a poslije doktorata za docenta na užoj naučnoj oblasti "Politologija" Filozofskog fakulteta Univerziteta u Tuzli. Autor je knjige *Međusobna ovisnost političkog izbornog i stranačkog sistema Bosne i Hercegovine* i dvadesetak stručnih i naučnih radova i aktivan učesnik na više domaćih međunarodnih konferencija i skupova.

Nihad Krajinović, diplomirani žurnalista, rođen je 1974. godine u Gračanici, gdje je završio osnovnu i srednju elektrotehničku školu, potom i **žurnalistiku** na Fakultetu političkih nauka u Sarajevu. Od 1994., pa do kraja 2016. godine radio je kao novinar Radio Gračanice, **uređivao informativne i druge radio emisije. Autor je mnogih radio-reportaža i drugih audio zapisa, koji su rado slušani u programima tog radija.** U političkom životu Gračanice aktivan je od 2006. godine, a u Općinsko vijeće Gračanica prvi put je izabran 2012. godine sa liste SDP. **Trenutno je na profesionalnoj dužnosti predsjedavajućeg Gradskog vijeća Gračanice**

Muhamed Nametak, doktor historijskih nauka, rođen je u Sarajevu 1986. godine. Osnovnu školu završio je u Sarajevu, a gimnaziju u Dohi (Katar). Na Filozofskom fakultetu Univerziteta u Sarajevu diplomirao je historiju 2008., a 2010. historiju umjetnosti. Na istom fakultetu je 2012. magistrirao, a 2015. doktorirao. Na Institutu za historiju Univerziteta u Sarajevu

zaposlen je od decembra 2008. Trenutno je na poziciji višeg naučnog saradnika. Bavio se temom socijalističke izgradnje Bosne i Hercegovine nakon Drugog svjetskog rata, te austrougarskim periodom bosanskohercegovačke historije. Autor je tri knjige i više naučnih radova. Naslovi objavljenih knjiga su: *Bosanski trougao u crvenoj zvijezdi; Kulturni tokovi i izgradnja "socijalističkog društva" u Bosni i Hercegovini od 1945. do 1952.* Univerzitet u Sarajevu–Institut za historiju. Sarajevo, 2017.; *Bankarstvo Bosne i Hercegovine u periodu austrougarske uprave: Privilegovana zemaljska banka za Bosnu i Hercegovinu na prekretnici*, Univerzitet u Sarajevu–Institut za historiju. Sarajevo, 2020.; *Arapski jezik u Bosni i Hercegovini*, Kulturni centar "Kralj Fahd", Sarajevo, 2021. (u koautorstvu)

Nedžad Peljto, diplomirani pravnik, rođen 1977. godine u Gračanici, gdje je završio osnovnu školu i gimnaziju. Diplomirao je 2004.g. na Pravnom fakultetu u Sarajevu. Tokom školovanja interesovao sa pozorišni život i scenske umjetnosti i nastupao kao glumac u više pozorišnih predstava kao član Mostarskog teatra mladih i Sarajevskog ratnog teatra (SARTR). Od 2005. do 2009. zaposlen u firmi "IT Computers", a od 2009. g. na funkciji je direktora JU Bosanski kulturni centar Gračanica. Dobitnik je nagrade Centra za dramski odgoj iz Mostara za "trajni doprinos dramskog odgoja u Bosni i Hercegovini" za višegodišnje istraživanje u realizaciji Festivala dječijeg teatra u BiH.

Mustafa Uzunalić, magistar arheologije, rođen je 1994. godine u Visokom, gdje je završio osnovnu školu i Medresu "Osman ef. Redžović", 2013. godine, kada se upisuje Filozofski fakultet, Odsjek za historiju – Katedra za arheologiju. Prvi ciklus uspješno je završio 2018., stekavši zvanje Bakalaureat arheologije. Nakon toga, na istom fakultetu i istom odsjeku upisuje master studij koji uspješno završava u maju 2021. godine, odbranom magistarskog rada pod naslovom *Osmanske keramičke lule u arheološkom kontekstu na području Bosne i Hercegovine*. Sudjelovao je u nizu radionica, ljetnih škola i arheoloških istraživanja, od kojih vrijedi spomenuti: Arheološko istraživanje kasno-neolitskog lokaliteta Slatina-Turska česma, Drenovac (2015); Arheološka istraživanja u haremu Varoške džamije, Travnik (2017); Arheološko istraživanje srednjovjekovnog grada Dubrovnika, općina Ilijaš (2017); Arheološko istraživanje srednjovjekovne nekropole na lokalitetu Stare kuće, Donje Breške, Tuzla (2019); Sistematsko arheološko istraživanje srednjovjekovne vojne utvrde Čajangrad u Velikom Čajnu, Gračanica kod Visokog (2019); Arheološko istraživanje lokaliteta Gradišće, Ravna, Gradac i Kopilo na području Zenice u sklopu projekta "Vizualizacija nepoznatog Balkana", koja je izvršena od strane Institute for Oriental & European Archaeology – Austrian Academy of Sciences (2019).